

Master plan ImSan inaugura

ORANJESTAD – Ayera a inaugura e masterplan kick-off event di ImSan. E master plan aki ta encera renobacion y expansion di e facilidad.

E proyecto aki lo bay inclui salanan di operacion ambulatorio y hospitalario, servicio di radiotherapie bestraling (cual ta algo cu te ainda no ta ofrece na Aruba), tratamiento y operacion di wowo cu te ainda no ta brinda na Aruba mes, pero tambe lo bay ekipa e area nobo aki cu un CT Scanner nobo. Esaki ta segun e comunicado cu nos a ricibi di gobierno.

Tur e mehoracion y modernisacion cu ImSan lo pasa aden den e siguiente lunanan lo traduci den un empuhe mas pa Aruba, pero specialmente pa e pueblo di San Nicolas.

“Nos lo habri 3 camber di operacion. Dos lo ta pa cirugia general y uno pa operacion di wowo. Nos lo bay brinda tambe radiotherapie

bestraling. Esaki ta algo cu no ta sosodiendo na Aruba actualmente. E camber pa cirugia general lo ta pa dagbehandelingen (opera mainta y bay cas atardi). Actualmente pashent nan cu mester wordo opera di retina ta wordo manda pa exterior. Pronto esaki no lo ta necesario mas ya cu e camber di operacion nan di wowo lo inclui operacion di retina. Tur diagnostische oogbehandelingen tambe lo tuma luga na ImSan. Nos imaging department lo haya un CT scanner.”

Expansion y renobacion di ImSan sigur ta un di e solucionnan na bienestar di cada un di nos ciudadanonan. Minister Dangui Oduber (MEP) ta compromete su mes na sigui informa nos pueblo di e progreso di diferente puntonan di accion riba agenda pa cu mehoracion di calidad di nos cuida medico. Durante di e evento aki tabata tin diferente partnernan den salubridad presenta, manera AZV, HOH y specialmente esunnan di Baptist Health

International. Durante e salubridad y deporte sr. Odu-
evento minister di turismo, ber a splica un poco ariba e

ampliacion di ImSan y kico
tur esaki ta nifica pa nos pais.

